

玉函山房輯佚書

齊論語一卷案漢志論語十二家齊二十二篇多問
王知道又云傳齊論者昌邑中尉王吉少府宋畸御
史大夫貢禹尚書令五鹿充宗膠東庸生唯王陽名
家隋唐志不著錄佚已久攷漢書王吉傳用論語二
事貢禹傳引一事此齊學之底本又陸德明經典釋
文叙錄云齊論語齊人所傳董仲舒廣川人地屬齊
漢書本傳對策及所著春秋繁露多引論語與魯古
不同而與王吉所引有合確爲齊論語又釋文云按
鄭校周之本以齊古讀正凡五十事陸氏載鄭從亡

者十餘條他引鄭本不言所從鄭以齊古注魯其與古不同者爲魯而與魯不同者皆齊同於古也又說文初學記等書引逸論語詳言玉事王應麟謂問玉疑卽問玉朱氏經義考定爲問玉篇又白虎通禮記正義玉篇路史等引論語或今論所無及字句異者亦爲齊論之佚並據輯補與魯古二論比次參觀同異庶漢師門戶見梗概焉歷城馬國翰竹吾甫

齊論語

學而第一

朋友自遠方來

白虎通引作朋友 何晏集解引包咸曰同門曰朋 周易下經蹇正義

引鄭元論語注曰同門曰朋同志曰友包鄭皆注以齊古讀正凡五十事其明言從古者皆輯入古論凡與魯異而不言從古者齊古同也據輯後放此

孔子曰道千乘之國敬事而信

董仲舒春秋繁露竹林篇案釋文云齊

論語齊人所傳董廣川人地在齊所引論語與魯古不同定為齊論後放此

為政第二

而衆星拱之釋文共

孔子曰導之以政齊之以刑民免而無恥漢書董仲舒傳對策

先生餽釋文餽鄭作餽食餘曰餽集解經作

舉直指諸枉釋文云錯鄭本作措云投也案與包異

孔子曰殷因於夏禮所損益可知也周因於殷禮所

損益可知也其或繼周者雖百世可知也漢書董仲舒傳

八佾第三

孔子曰吾不與祭祭神如神在春秋繁露郊祭篇

孔子入太廟每事問春秋繁露郊祭篇

孔子曰韶盡美矣又盡善矣

漢書董仲舒傳

孔子曰武盡美矣未盡善矣

同上

居上不寬為禮不敬

春秋繁露基義篇云以自治之節治人是居上不寬也以治人

之度自治是為禮不敬也

里仁第四

無敵也無莫也

釋文適鄭本作敵莫鄭音慕

孔子曰德不孤必有鄰

漢書董仲舒傳

公冶長第五

胡輦也

漢魯相韓勅脩孔廟禮器碑胡輦器用洪遵隸釋曰胡輦者瑚璉也

案史記仲尼弟子

傳及何氏集解引包注並作瑚璉則作胡輦齊論也

孔子曰腐朽之木不可彫也糞土之牆不可圻也漢書

董仲舒傳案史記仲尼弟子傳及何氏集解引包注並作朽木董所引者定為齊論

中棠後漢王政碑有羔羊之潔無中棠之欲案集解引包注並作中棧則作棠者齊論也

棠也欲上見

雍也第六

必在汶上矣釋文云鄭本無則吾二字

述而第七

假我數年卒以學易朱子集注云劉聘君見元城劉忠定公自言嘗讀他論加作假

五十作卒案史記孔子世家假我數年若是我
於易則彬彬矣加正作假而無五十字史記用古
論則元城所謂他
論者齊論語也

孔子曰奢則不遜儉則固漢書董仲舒傳

泰伯第八

唯天爲大唯堯則之春秋繁露郊祭篇

巍巍乎其有成功也同上

子罕第九

孔子曰鳳鳥不至河不出圖吾已矣夫漢書董仲舒傳

求善賈而乃諸顏野三篇二作乃案漢石經用沽作賈集解經倦沽引馬注占

齊論語



三卿媛館補校

文同知玉篇引
作及者齊論也

子欲居九夷從鳳嬉

羅泌路史引逸論語案釋文云齊論章句頗多於魯論此所

引多魯論一
句齊論語

孔子在川上曰逝者如斯夫不舍晝夜

春秋繁露山川頌

棠棣之華偏其反而豈不爾思室是遠而子曰未之

思也夫何遠之有

春秋繁露竹林篇

鄉黨第十

色如也

詩廣說文解字引論語色如也案郭忠恕汁簡卷中之二

語引古論語集解色如也引包
氏古作色魯作勃齊作岑也

朋友無所歸生於我乎館死於我乎殯

白虎通引論語案章句

多於魯論與孔注古文復異

先進第十一

毋爾

玉篇引論語案集解依魯論作鋌引孔注同作毋者齊論也

顏淵第十二

君子之德風也小人之德也小上之風必偃

漢書董仲

舒傳

舜有天下選於眾舉臯陶不仁者遠矣湯有天下選

於眾舉伊尹不仁者遠矣

漢書王吉傳云舜湯不用三公九卿之世而舉臯陶

齊論語



四庫館補校

伊尹不仁者遠案王吉字子陽如傳齊論其經句未知與魯古有日異否姑依今論錄之

子路第十三

子之于也

釋文迂鄭作于
往也與包注異

孔子曰如有王者必世而後仁

漢書董仲舒傳

朋友切切節節兄弟熙熙

詩小雅棠棣毛萇傳兄弟
尚恩怡怡然朋友以義切

切然孔穎達正義云此熙熙當彼怡怡節節當彼
德德也定本熙熙作怡怡節節作德德依論語則

俗本誤阮氏校勘記云毛所據論自作熙熙飾飾
定本乃改之以合於其府行世之論語非也案

集解引馬詩正義引鄭並作倪
倪怡怡則毛所引齊論語也

憲問第十四

彼哉彼哉

論語集注
解作彼引馬不同

子貢謗人

釋文方人
鄭本作謗

亡何是栖栖者與

釋文亡何鄭作上
何是案與包異

高宗諒闇三年不言

漢書王吉傳引作闇春秋繁露
竹林篇後漢書張禹傳注引

同

衛靈氏第十五

在陳絕糧

釋文糧鄭本
作張音張

孔子曰亡爲而治者其舜歟

漢書董仲舒傳

子曰人而不曰如之何如之何者吾末如之何也矣



春秋繁露

執贄篇

孔子曰人能弘道非道弘人

漢書董仲舒傳

季氏第十六

朱子集注洪氏曰此篇或以為齊論

不患貧而患不均

春秋繁露度制篇

政逮於大夫四世矣

春秋繁露玉杯篇引云蓋自文公以來之謂也

君子樂節禮樂

漢書貢禹傳引論語案漢志貢禹傳齊論語

陽貨第十七

磨而不磷

漢州碑引作鄰

微子第十八

侏張

釋文朱張鄭作侏張案與包異

發中權

釋文廢鄭作發發動也

子張第十九

未信則以爲賴己也

釋文鄭曰屬讀爲賴詩賴也

大德無踰閑小德出入可

春秋繁露竹林篇

君子之道焉可憮也

漢書薛宣傳引作憮蘇林注憮同也兼也

有始有卒者其唯聖人庠

漢書董仲舒傳

綏之斯徠動之斯和

同上

堯曰第二十



堯謂舜曰天之歷數在爾躬

春秋繁露郊祭篇

不教而誅謂之虐

漢書董仲舒傳

孔子曰不知命亡以為君子

同上案釋文鄭曰魯論無此章今從古集解

有此章用孔馬注是古文之證董引首節無作亡無也字又與古少異是董用齊論語之確證

問玉第二十二

漢書藝文志論語齊二十二篇注多問王知道王應麟曰問王

疑即問王朱氏經義考云今逸論語見於說文初學記文選注太平御覽等書其論王之

屬特詳竊疑齊論所逸二篇乃問王非問王也考之篆法三畫正均者為王中畫近上者

為王初無大異因譌玉為王耳

子貢問於孔子曰敢問君子貴玉而賤珉者何也為

玉之寡而珎之多與孔子曰非爲珎之多故賤之也
玉之寡故貴之也夫昔者君子比德於玉焉溫潤而
澤仁也縝密以栗知也廉而不剌義也垂之如隊禮
也叩之其聲清越以長其終詘然樂也瑕不揜瑜瑜
不揜瑕忠也孚尹旁達信也氣如白虹天也精神見
于山川地也圭璋特達德也天下莫不貴者道也詩
云言念君子溫其如玉故君子貴之也

禮記聘義
張甄陶四書

與注論文以此
爲問玉篇文

璫璵魯之寶玉也孔子曰美哉璫璵遠而望之煥若

也近而視之瑟若也一則理勝一則字勝

徐堅初學記卷二十

七太平御覽卷八
百四並引逸論語

玉十謂之區治玉謂之琢亦謂之雕

原注雙玉為鼓
五鼓為區區治

璜也鼓
舌角

璫玉色鮮白也瑩玉色也瑛玉光也璊赤玉

也璿璣瑜美玉也璆

原注

三采玉也玲瓏瑱瑱

原注

璠

玉聲也璠玉佩也璠充耳也璠玉飾以水藻也

同上

玉如璠也

初學記卷二十七文選宋玉
女賦李善注引作如玉之璠

玉璠之璠分其璠猛也

許慎說文解字
玉部引逸論語

知道第二十二

無考

佚句

大夫退死葬以士禮

禮記王制正義

論語孔氏訓解十卷漢孔安國撰案孔平家語後序
安國字子國孔子十二世孫年四十爲諫議大夫遷
侍中博士天漢後魯恭王壞夫子故宅得壁中詩書
悉以歸于國子國乃考論古今文字撰眾師之義爲
古文論語訓解十一篇何晏集解云古論唯博士孔
安國爲之訓解而世不傳隋書經籍志唐書藝文志
皆不著錄僅見集解所引輯其散佚並以皇侃疏本
高麗本與邢昺疏本文字異者參定以復其舊史記
說文引稱皆古文亦據採入仍其篇目爲十一卷後

漢馬融亦爲古文訓說別輯比次合二書而觀之庶
幾古論之學亡而不亡也歷城馬國翰竹吾甫

論語孔氏訓解卷一

漢 孔安國 撰

學而第一

有子曰

弟子有若也

何晏
集解

子夏曰賢賢易色

子曰弟子卜商也言以好色之心好賢則善也

集解

事父母能竭其力事君能致其身

盡忠節不愛其身也

集解

子曰君子不重則不威學則不固

固蔽也一曰人言不敦重既無威學不能堅固識

其義理也

集解

曾子曰慎終追遠民德歸厚矣

慎終者喪盡其哀也追遠者祭盡其敬也人君能

行此二者民化其德而皆歸於厚也

集解

子曰父在觀其志父沒觀其行三年無改於父之道

可謂孝矣

父在子不得自專故觀其志而已父沒乃觀其行

也孝子在喪哀慕猶若父在無所改於父之道也

集解

因不失其親亦可宗也

因親也言所親不失其親亦可宗敬也

集解○史記仲尼弟

子傳裴駰集解

敏於事而慎於言就有道而正焉

敏疾也有道者謂有道德者也正謂問事是非也

集解

子貢問曰富而無驕貧而無諂何如孔子曰可也

史記

仲尼弟子傳子貢下有問字富而句在貧而句上子日上有孔子

未足多也

集解○史記仲尼弟子傳集解

未若貧而樂道富而好禮者也

唐石經及皇侃本高麗本樂下有道字案

鄭注魯論本無道字集解兼采古論下引孔曰能貧而樂道是孔注古論本有道字司馬遷從孔安國問古文尙書史記引論語亦是古論仲尼弟子傳引論語曰不如貧而樂道正與孔合注句据補不如貧而樂道富而好禮

史記仲尼弟子傳

子貢曰詩云如切如磋如琢如磨其斯之謂與

能貧而樂道富而好禮者能自切磋琢磨者也

集解

子曰賜也始可與言詩已矣告諸往而知來者

諸之也子貢引詩以成孔子義善取類故然之往
告之以貧而樂道來答以切磋琢磨者也

集解

鄉黨第二

皇侃義疏序云古論語鄉黨第二

朝與上大夫言閤閤如也與下大夫言侃侃如也

史記

孔子世家引與上大夫言二句在與下大夫言上今依之

閤閤中正貌也侃侃和樂貌也

集解○史記孔子世家集解○文選

李潛遠運命論注引首句

入公門鞠躬如也

史記孔子世家引此在君召使摯上今依之

斂身也

集解○釋元應雜寶經音義

立不中門行不履閭

許慎說文解字引論語不履閭古文閭作闕

闕門限也

集解○陸德明釋文○文選班孟堅西都賦注○依說文當作闕何晏從隸改

過位色孿如也足蹊如也其言似不足者

許慎說文解字孿如也

也从𠂔𠂔人色也从于論語色孿如也又蹊色怒也从色弗聲論語色蹊如也案許君川古論語孿古

文勃字蹊蓋齊論語字兩引之者存異文也

孿如也

集解○史記孔文補必變色也子世家集解

攝齋升堂鞠躬如也屏氣似不怠者

山井鼎攷異作攝齋注同

皆重慎也衣下曰齋攝齋握衣也

集解

出降一等遲顏色怡怡如也

先屏氣下階舒氣故怡怡如也

集解

沒階趨進趨如也

儀禮聘禮注士相見禮疏禮記曲禮正義史記孔子世家引俱有進

字○說文解字作趨如也

沒盡也下盡階也

集解

復其位踧踖如也

來時所過位也

集解

君召使擯色峯如也

史記孔子世家引此在入公門後今依之

趨進趨如也

說文解字翼作趨

言端正也

集解

私領愉愉如也

說文解字引論語案說文無
醜字有醜字據此當作醜

債兒也

文據
諸說

君子不以紺纁飾

一入曰緼飾者不以爲領袖緣也紺者齊服盛色

不以爲飾似衣齊服也緇者三年練以緇飾衣爲

其似喪服故皆不以飾衣也

解集

當暑衫締締必表而出之

暑則單服絺綌葛也必表而出加上衣也

文集選汪

于淵聖主得賢
臣煩注引次句

緇衣羔裘素衣麤裘黃衣狐裘

服皆中外之色相稱也

集解

結衣長短右袂

說文解字引論語裘裘作結衣據此古論語作結衣

私家裘長主溫也短右袂便作事也

集解

必有寢衣長一身有半

今被也

集解○案說文解字被寢衣長一身有半此可互証

狐貉之厚以居

說文解字引論語

貉似狐善睡獸

據說文補

去喪無所不佩

論語孔氏訓解

卷一

五加
四十二卷五十六

去除也非喪則備佩所宜佩也

集解

羔裘玄冠不以弔

喪主素吉主玄吉凶異服故不相弔也

集解

吉月必朝服而朝

吉月月朔也朝服皮弁服也

集解

齊必有明衣布

以布爲沐浴衣也

集解

齊必變食

改常食也

集解

居必遷坐

易常處也

集解

食饅而餲

餲餲臭味變也

集解

魚餒而肉敗不食

魚敗曰餒也

集解○史記孔子世家集解

失饪不食

失饪失生熟之節也

集解

不使勝食既

說文解字引論語

論語孔氏訓解

卷一

六經館補校

四十二卷五十四

既小食也據說文補

不撤蕢食

撤去也齊禁葷物葷辛而不葷故不去也

集解○文選潘

安仁聖賦注引首句

不多食

不過飽也集解

雖疏食菜羹瓜祭必齋如也

齋嚴敬貌也三物雖薄祭之必敬也

集解

鄉人飲酒杖者出所出矣

叔者老者也鄉人飲酒之禮主於老者老者禮畢

出孔子從而後出也

集解

鄉人儺朝服而立於阼階

儺驅逐疫鬼也恐驚先祖故朝服立廟之阼階也

集解

問人於他邦再拜而送之

拜送使者敬之也

集解

康子饋藥拜而受之曰丘未達不敢嘗

未知其故故不嘗禮也

集解

論語孔氏訓解

卷一

七 鄭媛補校

四十二卷五十八

君賜食必正席先嘗之

敬君惠也既嘗之乃以班賜也

集解

君賜勝必熟而薦之

說文解字勝不熟也醒星見食豕令肉小息也陳氏鯉曰按此

當作勝

今依之

勝不熟也

據說文補

薦薦其先祖也

集解

朝服衽紳

說文解字引論語

紳大帶也

文選蔡伯喈郭有道碑注引孔安國

朋友死無所歸曰我殯

重朋友之恩也無所歸無親昵也

集解

朋友之饋雖車馬非祭肉不拜

不拜有通財之義也

集解

居不客

釋文居不客本或作客唐石經作客

爲室家之敬難久也

集解

見齊衰者雖狎必變見弁者與瞽者雖褻必以貌

釋文

鄭曰魯讀弁爲貌今从古

狎者素相親狎也

集解

凶服者式之式負版者

凶服者送死之衣物也負版持邦國之圖籍者也

論語孔氏訓解 卷一

八姒嬭館補校
四十二卷五十九

集解○文選謝靈運
華子岡詩注引末句

有盛饌必變色而作

作起也敬主人之親饋也

集解

三饌而作

顧野王玉篇引論語案說文無嗅字有饌
字云以鼻就氣嗅也則玉篇所引論語爲

古文

論語孔氏訓解卷二

雍也第三

皇侃義疏序云古論語雍也第三

子曰雍也可使南面

仲弓問子桑伯子子曰可也簡

以其能簡故曰可也

集解○皇本無簡略也

文選

夜絕交書注

仲弓曰居敬而行簡以臨其民不亦可乎

居身敬肅臨下寬略則可也

集解

與之粟九百辭

九百九百斗也辭讓不受也

解集

子曰毋

祿法所當受無以讓也

解集

賜也達

達謂通於物理也

解集

求也藝

藝謂多才也

解集

季氏使閔子騫爲費宰

費季氏邑也季氏不臣而其邑宰數畔聞閔子騫

賢故欲用也

集解

閔子騫曰善爲我辭焉

不欲爲季氏宰語使者曰善爲我作辭說令不復

召我也

集解

如有復我者必在汶上矣

釋文一本無吾字鄭本無則吾二字史記仲尼弟子

傳亦無則吾字與鄭同蓋鄭從古也

復我者重來召我也去之汶水上欲北如齊也

集解

○史記仲尼弟子傳集解

伯牛有疾子問之自牖執其手曰亡之

亡喪也疾甚故自牖其手曰喪也

集解

子曰賢哉回也一簞食一瓢飲在陋巷人不堪其憂回也不改其樂賢哉回也

簞筓也瓢瓠也顏淵樂道雖簞瓢在陋巷不改其

所樂也

集解○史記仲尼弟子傳集解

冉求曰非不說子之道力不足者中

道而廢今女畫

畫止也力不足者當中道而廢今女自止耳非力

極也

集解○釋文引百句

子謂子夏曰女爲君子儒無爲小人儒

君子爲儒將以明其道小人爲儒則矜其名也

集解

○史記仲尼弟子傳集解

引作何曰邢本作孔曰

子游爲武城宰子曰女得人焉耳乎哉

皇本高麗本作焉耳乎哉

焉耳乎哉皆辭也

集解○案皇本經注皆有哉字

子曰孟之反不伐奔而殿將入門策其馬曰非敢後也馬不進也

魯大夫孟之側也與齊戰軍大敗不伐者不自伐

其功也

集解

子曰不有祝鮀之佞而有宋朝之美難乎免於今之世矣

佞口才也祝鮀衛大夫子魚也時世貴之宋朝宋

國之美人也而善淫言當如祝鮀之佞而反如宋

朝之美難矣免於今世之害也

集解○義疏及如宋朝之美者一本

云反如宋朝之美也

子曰誰能出不由戶何莫由斯道也

言人之立身成功當曰道譬由人出入要當從戶

也

集解

文質彬彬

說文解字份文質備也从人分聲論語曰

聲許君所謂論語本

古文當从古作彬

彬文質相半之貌也

集解引作包曰○文選陸士衡文賦注引作孔曰

仁者先難而後獲可謂仁矣

先勞苦乃後得功此所以為仁也

集解

仁者靜

無欲故靜也

集解

子曰觚不觚觚哉觚哉

孔子曰削觚而志有所念觚不時成故曰觚哉觚

哉觚小器耳心不專一尚不時成況於大事乎

太平

御覽卷七
百五十九

宰我問曰仁者雖告之曰井有仁焉其從之也子曰
何爲其然也君子可逝也不可陷也可欺也不可罔
也

宰我以爲仁者必濟人於患難故問有仁人墜井
將自投下從而出之否乎欲極仁人憂樂之所至

也陷下也

集解

子見南子子路不說孔子矢之曰予所不者天厭之

天厭之

史記孔子世家夫子作孔子否作不

等以爲南子者衛靈公夫人也淫亂而靈公惑之
孔子見之者欲因以說靈公使行治道也矢誓也
子路不說故夫子誓之曰行道既非婦人之事而
弟子不說與之咒誓義可疑也

集解

子貢曰如有博施於民而能濟衆何如可謂仁乎
子曰何事於仁必也聖乎堯舜其猶病諸夫仁者己欲
立而立人己欲達而達人能近取譬可謂仁之方也
已

若能廣施恩惠濟民於患難堯舜至聖猶病其難也
也更為子貢說仁者之行也方道也但能近取譬
於已皆恕已所不欲而勿施人也集解○文選枚叔七發注引少
道也

為政第四秦皇疏以鄉黨為第二篇也為第三篇為政以下自當廢下依次序之

子曰詩三百

篇之大數也集解

子曰導之以政齊之以刑民免而無恥集解本高麗本作導文選范

篇第二十八將導論解元應蓮華經維摩詰經說
經音義引並作導案皇本集解並非經音義並引

孔注知古
文作導也

政謂法教也免苟免罪也集解○蓮華經音義引上句

四十而不惑

不疑惑也集解

五十而知天命

知天命之終始也集解○文選潘安仁閒居賦注

孟鯨子問孝

魯大夫仲孫何忌也集解

子游問孝

論語孔氏訓解

卷二

四十二卷六十五

子游弟子也姓言名偃也

集解

子曰吾與回言終日不違如愚退而省其私亦足以發回也不愚

回弟子也姓顏名回字子淵魯人也不違者無所怪問於孔子之言默而識之如愚者也察其退還

與二三子說釋道義發明大體知其不愚也

集解○史

記仲尼弟子傳集解引不違者以下

子曰視其所以觀其所由察其所安人焉廋哉人焉

廋哉

度匿也言觀人之終始安所匿其情也

集解

子曰溫故而知新可以為師矣

溫尋也尋繹故者又知新者可以為師也

集解○釋元應

出梁經音義又顯揚聖教論音義又達磨俱舍論音義

子貢問君子子曰先行其言而後從之

疾小人多言而行之不周也

集解

子曰由誨女知之乎

由弟子也姓仲名由字子路也

集解誨猶教也說

季康子問使民敬忠以勸如之何

魯大夫季孫肥也康諡也

集解

子曰人而無信不知其可也

言人而無信其餘終無可也

集解

子張問十世可知也

文質禮變也

集解

見義不為無勇也

義者所宜為也而不能為是無勇也

集解

論語孔氏訓解卷三

八佾第五

子曰君子無所爭必也射乎

言於射而後有爭也

集解

曰禮後乎

孔子言繪事後素子夏聞而解知以素喻禮故曰

禮後乎

集解○史記仲尼弟子傳集解作何曰今從那本

子曰禘自既灌而往者吾不欲觀之矣

禘祫之禮爲序昭穆也故毀廟之主及羣廟之主

皆合食於太祖灌者酌鬱鬯於太祖以降神也既
灌之後別尊卑序昭穆而魯爲逆禮躋僖公亂昭
穆故不欲觀之矣

集解○史記
禮書集解

或問禘之說子曰不知也

答以不知者爲魯君諱也

集解

祭如在

言事死如事生也

集解

祭神如神在

謂祭而神也

集解

王孫賈問曰與其媚於奧寧媚於阼何謂也子曰不然獲罪於天無所禱也

王孫賈衛六夫也奧內也以喻近臣也阼以喻執政也賈者執政者也欲使孔子求昵之故徵以世俗之言感之也太以喻君也孔子距之曰如獲罪於天無所禱於眾神也

集解

子曰周監於二代殲殲乎文哉吾從周

汗簡引古論語郁作殲按

說文殲有文章也从有聲是古文省也

監視也言周文章備於二代當從周也

集解○孔子世家集

解

四十二卷六十八

子入大廟每事問或曰孰謂鄒人之子知禮乎入大廟每事問子問之曰是禮也

鄒孔子父叔梁紇所治邑也時人多言孔子知禮或人以爲知禮者不當復問也雖知之當復問慎

之至也

集解○史記孔子世家集解引首句

子曰事君盡禮人以爲諂也

時事君者多無禮故以有禮者爲諂也

集解

定公問君使臣臣事君如之何孔子對曰君使臣以

禮臣事君以忠

定公魯君證也時臣夫禮定公患之故問也

集解

子曰關雎樂而不淫哀而不傷

樂而不至淫哀而不至傷言其和也

集解

哀公問社於宰我宰我對曰夏后氏以松殷人以柏周人以栗曰使民戰栗

凡建邦立社各以其土所宜之木宰我不本其意

妄為之說因周用栗便云使民戰栗也

集解

出曰二三子何患於喪乎天下之無道也久矣天將

以夫子爲木鐸

語諸弟子言何患於夫子聖德之將喪亡邪天下之無道也已久矣極衰必有盛也木鐸施政教時所振也言天將命孔子制作法度以號令於天下

也

集解

子謂韶盡美矣又盡善也謂武盡美矣未盡善也

韶舜樂名也謂以聖德受禪故曰盡善也武武王樂也以征伐取天下故曰未盡善也

集解

里仁第六

子曰里仁爲美宅不處仁焉得知

王應麟困學紀聞云張衡思元賦匪

仁里其焉宅分注云論語里仁爲美宅不處仁里宅皆居蓋古文云然

子曰不仁者不可以久處約

久固則爲非也

集解

不可以長處樂

必驕佚也

集解

子曰唯仁者能好人能惡人

唯仁者能審人之好惡也

集解

子曰苟志於仁矣無惡也

苟誠也言誠能志於仁者則其餘無惡也

集解

子曰富與貴是人之所欲也不以其道得之不處也

不以其道得富貴則仁者不處也

集解

君子去仁惡乎成名

惡乎成名者不得名為君子也

集解

子曰我未見好仁者惡不仁者好仁者無以尚之

難復加也

集解

惡不仁者其為仁矣不使不仁者加乎其身

言惡不仁者能使不仁者不加非義於已不如好

仁者無以加尚之爲優也

集解

有能一日用其力於仁矣乎我未見力不足者

言人無能一日用其力脩仁者耳我未見欲爲仁

而力不足者也

集解

蓋有之矣我未之見也

謙不欲盡誣時人言不能爲仁故云爲能仁有耳

我未之見也

集解

子曰人之過也各於其黨觀過斯知仁矣

黨黨類也小人不能爲君子之行非小人之過也

當恕而無責之觀過使賢愚各當其所則為仁也

集

解

子曰君子懷德

懷安也

集解文選曹大家東征賦注又王仲宣登樓賦注引云懷思也

小人懷土

重遷也

集解

君子懷刑

安於法也

集解

子曰放於利而行多怨

放依也每事依利而行之者也取怨之道也

集解

選陸士衡演連珠注引首句

子曰參乎吾道一以貫之曾子曰唯

直曉不問故答曰唯也

集解

子曰君子喻於義小人喻於利

喻猶曉也

集解○釋元應蓮華經音義

子曰父母之年不可不知也一則以喜一則以懼

見其壽考則喜見其衰老則懼也

集解○文選潘安仁閒居賦注

子曰以約失之者鮮矣

俱不得中也奢則驕溢招禍儉約則無愛患也

集解

子游曰事君數斯辱矣朋友數期疎矣

數謂速數之數也

集解○筆解作包曰邪本作何曰茲据皇本

玉函山房輯佚書目

卷四十二

經編論語類

論語孔氏訓解 四至十一卷 漢孔安國

安昌侯論語十卷 漢張禹

論語包氏章句上卷 後漢包咸

論語孔氏訓說卷四

公冶長第七

子謂公冶長可妻也雖在縲紲之中非其罪也以其子妻之

公冶長弟子魯人也姓公冶名長縲黑索也紲繫

也所以拘罪人也

集解○史記仲尼弟子傳集解○文選司馬子長報任安書壯

引下五句○釋文引難字也

子謂子賤

子賤魯人弟子必不齊也

集解○史記仲尼弟子傳集解引魯人二字

子貢問曰賜也何如子曰汝器也

言汝是器用之人也集解曰史記仲尼弟子傳集解

或曰雍也仁而不佞子曰焉用佞人以口給屢惜

於人不知其人也焉用佞也皇本高麗本下二句皆有也字

屢數也佞人口辭捷給數為人所憎也集解

子使漆雕開仕對曰吾斯之未能信子說

開弟子也漆雕姓也開名也仕進之道未能信者

未能究習也集解曰史記仲尼弟子傳集解引下三句

子路聞之喜

喜與仁俱行也

集解

季康子問孔子曰冉求仁乎曰千室之邑百乘之家求也可使爲之宰仁則吾不知也復問子路仁乎孔

子曰千乘之國可使治其賦不知其仁

史記仲尼弟子列傳內引

均作季康子問求在山前與魯論異然史記引求也可使治其賦考孔注宰字有訓知史以與由並言故涉筆及之非本文依孔注改

千乘之邑卿大夫之邑卿大夫稱家諸侯千乘卿

大夫百乘宰家臣仁道至大不可全名也

集解○史記仲

尼弟子賦兵賦也同

傳集解

子謂子貢曰女與回也孰愈

愈猶勝也

集解○史記仲尼弟子傳集解春秋襄十四年正義引作鄭注

子曰弗如也吾與女俱不如也

釋文音汝案王充論衡問

孔篇云吾與女俱不如也後漢書鄭元傳注引別傳馬融謂虛子幹曰吾與女皆不如也又橋元傳云仲尼稱不如也鄭元傳注引論語吾與女俱不如也並用古文

宰予晝寢

宰予弟子宰我也

皇本作包曰邢本作孔曰

子曰朽木不可雕也糞土之牆不可圻也

誅責也今我當何責於汝乎深責之辭也

集解

子曰始吾與人也聽其言而信其行今吾與人也
其言而觀其行於予與改是

改是者始聽言信行今更察言觀行發於宰我

寢也

集解

棖也愆

愆多情愆也

集解

子貢曰我不欲人之加諸我也吾亦欲無加諸人子
曰賜也非爾所及也

言不能止人使不加非義於己也

集解

子路有聞未之能行唯恐有聞

前所聞未能及得行故恐後有聞不得並行也

集解

○史記仲尼弟子傳集解

子貢問曰孔文子何以謂之文也子曰敏而好學不恥下問是以謂之文也

孔文子衛大夫孔叔圉也文謚也敏者識之疾也

下問問凡在己下者也

集解○詩大雅江漢正義引云敏行之疾也

子謂子產有君子之道四焉

子產鄭大夫公孫僑也

集解

子曰臧文仲居蔡山節藻梲何如其知也

非時人謂以爲知也

集解

子張問曰令尹子文三仕爲令尹無喜色三已之無愠色舊令尹之政必以告新令尹何如子曰忠矣曰仁矣乎曰未知焉得仁

但聞其忠事未知其仁也

集解

崔子弑齊君陳文子有馬十乘棄而違之至於他邦則曰猶吾大夫崔子也違之之一邦則又曰猶吾大夫崔子也違之何如子曰清矣曰仁矣乎曰未知焉

得仁

皆齊大夫也崔杼作亂陳文子捐其四十匹馬違

而去之也文子避惡逆去無道求有道當春秋時

臣陵其君皆如崔杼無有可止者也

集解

子曰甯武子邦有道則知邦無道則愚其知可及也

其愚不可及也

詳愚似實故曰不可及也

集解

子在陳曰歸乎歸乎吾黨之小子狂簡斐然成章吾

不知所以裁之

史記孔子世家引兩與字並作乎不知上有吾字

簡大也孔子在陳思歸欲去微曰吾黨之小子狂

簡者進趨於大道妄穿鑿以成文章不知所以裁

制我當歸而裁制之耳遂歸集解○史記孔子世家集解

子曰伯夷叔齊不念舊惡怨是用希

伯夷叔齊孤竹君之二子也孤竹國名也集解希少

也文選陸士衡五等論注

子曰孰謂微生高直或乞醯焉乞諸其鄰而與之

微生姓高名魯人也乞之四鄰以應求者用意委

曲非爲直人也集解

論語孔氏訓解卷四

子曰巧言令色足恭左丘明恥之丘亦恥之

足恭便辟之貌也左丘明魯大史也

集解

匿怨而友其人左丘明恥之丘亦恥之

心內相怨而外詐親也

集解

顏淵季路侍子曰盍各言爾志子路曰願車馬衣裘

與朋友共敝之而無憾

唐石經初刻作衣裘旁注輕字陳氏經古訓謂北齊書唐

思傳顏淵云朕意在車馬衣裘與鄉其敝與邢

皇二疏並言車馬衣裘以為本無輕字之証

憾恨也

集解釋文

顏淵曰願無伐善無施勞

自無稱己之善也無以勞事並施於人也

集解

少者懷之

懷歸也

集解

述而第八

子曰德之不修學之不講聞義不能徙不善不能改是吾憂也

夫子常以此四者爲憂也

集解○孔子世家集解

子曰甚矣吾衰也久矣吾不復夢見周公

孔子衰老不復夢見周公也明盛時夢見周公欲

行其道也

集解

子曰自行束修以上吾未嘗無誨焉

言人能奉禮自行束脩以上則皆教誨之也

集解

解引作之焉

子謂顏淵曰用之則行捨之則藏唯我與爾有是夫

史記仲尼弟子傳舍作捨惟作唯

言可行則行可止則止唯我與顏淵同耳

集解○史記仲

尼弟子傳集解

子路曰子行三軍則誰與子曰暴虎馮河死而無悔

者吾不與也必也臨事而懼好謀而成者也

大國三軍子路見孔子獨美顏淵以爲己有勇至
於夫子爲三軍將亦當惟與已俱故發此問暴虎
徒搏也馮河徒涉也

集解

如不可求從吾所好

所好者古人之道也

集解○史記伯夷列傳集解

子之所慎齊戰疾

此三者人所不能慎而夫子能慎之也

集解

冉有曰夫子爲衛君乎子貢曰諾吾將問之入曰伯

夷叔齊何人也曰古之賢人也曰怨乎曰求仁而得

仁又何怨出曰夫子不為也

伯夷叔齊讓國遠去終於餓死故問怨乎以讓為

仁豈怨乎

集解

子曰飯蔬食飲水曲肱而枕之樂亦在其中矣

皇本疏作

蔬作同

蔬食菜食也肱臂也孔子以此為樂也

集解

子所雅言詩書執禮皆雅言也

雅言正言也

集解

葉公問孔子於子路子路不對子曰女奚不曰其爲

人也發憤忘食樂以忘憂不知老之將至也云爾

皇本

高麗本至下有也字

葉公名諸梁楚大夫食采於葉僭稱公不對者不

知所以答也

集解○史記孔子世家集解

子不語怪力亂神

怪怪異也力謂若弄盪舟鳥獲舉千鈞之屬也亂

謂臣弑君子弑父也神謂鬼神之事也或無益於

教化也或所不忍言也

集解○史記孔子世家集解皇本邢本並作王曰川

論語注疏卷之四

如知有不才
四十二卷九

井鼎攷異足利本作孔安國今從之

亡而爲有虛而爲盈約而爲泰難乎有恒矣

難可名之爲有常也

集解

子釣而不綱弋不射宿

釣者一竿釣也綱者爲大綱以橫絕流以繳繫釣

羅屬著綱也弋繳射也宿宿鳥也

集解○文選潘安仁西征賦注

引綱者三句無以橫絕流四字○攷異云注中釣字皆作鉤

多聞擇其善者而從之多見而識之知之次也

如此次於生知之者也

集解

子曰與其進也不與其退也唯何甚

教誨之道與其進不與其退怪我見此童子惡惡

一何甚也

集解

陳司敗問孔子曰昭公知禮乎孔子曰知禮退而揖

巫馬旗曰吾聞君子不黨君子亦黨乎魯君娶於吳

為同姓謂之吳孟子魯君而知禮孰不知禮

史記仲尼弟子

傳昭公上有魯字案孔氏注昭公魯昭公也知魯

字據注補又陳司敗問下有孔子曰退上無孔子

二字作退而揖巫馬旗曰今據用君

娶以下史參孔注今唯補二魯字

司敗官名也陳大夫也昭公魯昭公也巫馬旗弟

子也名施相助匪非曰黨魯吳俱姬姓也禮同姓

不婚而君取吳女當稱吳姬諱曰孟子也

集解○釋文引

上三句○史記仲尼弟子傳集解引上三句無巫馬期弟子名施及魯吳句期作旗

施以告孔子孔子曰丘也幸苟有過人必知之

首句從史

記

以司敗之言告也諱國惡禮也聖人智深道宏故

受以爲過也

集解○史記仲尼弟子傳集解

躬行君子則吾未之有得

躬爲君子行已未能得之也

集解

論語孔氏訓解卷五

泰伯第九

如臨深淵

淵潭也

釋惠施華嚴經旨義上

曾子曰可以侔六尺之孤

顧野王玉篇引作侔案說文解字侔寄也

六尺之孤年十五已下

正義○周禮地官大司徒疏引六尺謂年十五父鄉

大夫疏○儀禮喪服傳疏引十五已下

可以寄百里之命

攝君之政令也

集解

仁以爲己任不亦重

死而後己不亦遠乎

以仁爲己任重矣

焉死而後己遠莫遠焉

成於樂

樂所以成性也

集解

人而不仁疾之已甚亂也

疾惡大甚亦使其爲亂也

集解

子曰如有周公之才之美設使驕且吝其餘不足觀

也已矣

皇本使上有設字已下有矣字高麗本曰矣字

周公者周公旦也

集解

子曰若聖與仁則吾_其敢_也

孔子謙不敢自名仁聖也集解

子疾病子路請禱子曰有諸子路曰有之禱曰禱爾

于上下神祇子曰丘之禱久矣說文禱禱也累功德以求福引論語曰

子路失旨也禱禱篇也案說文引論語作禱

作誄者何晏孔子素行合於神明故曰丘之禱久

矣集解心世說新語德行篇劉孝標注

子曰奢則不孫儉則固其不孫也寧固

俱失之也奢不如儉則僭上儉則不及嚮耳固

陋也
集解

子曰三年學不至於穀不易得也

穀善也言人三歲學不至於善不可得言必無及

也所以勸人於學也

集解

子曰不在其位不謀其政

欲各專一於其職也

集解

子曰狂而不直侗而不愿怍怍而不信吾不佞之矣

狂者進取宜直也侗未成器之人也宜謹愿也言

皆與常度反故我不知也

集解

子曰大哉堯之爲君也巍巍乎唯天爲大唯堯則之

則法也美堯能法大而行化也

集解

舜有臣五人而天下治

禹稷契皋陶伯益也

集解

武王曰予有亂十人

釋文予有亂十人本或作亂臣十人非

孔子曰才難不其然乎唐虞之際於斯爲盛有婦人焉九人而已

唐者堯號也虞者舜號也際者堯舜交會之間也斯此也此此於周也言堯舜交會之間比於此周周最盛多賢才然尚有一婦人其餘九人而已人

才難得豈不然乎

集解

子曰禹吾無間然矣

孔子推禹功德之盛言已不能復間廁其間也

集解

惡衣服而致美乎黻冕

損其常服以盛祭服也

集解

子罕第十

子曰麻冕禮也今也純儉吾從衆

冕緇布冠也古者績麻三十升布以爲之純絲也

絲易成故從儉也

集解○後漢書陳元傳注引作何曰

子畏於匡曰文王既沒文不在茲乎天之將喪斯文也後死者不得與於斯文也天之未喪斯文也匡人其如予何

茲此也言文王雖已沒其文見在此此自謂其身也文王既沒故孔子自謂後死也言天將喪斯文者本不當使我知之今使我知之未欲喪也

記孔子世家集解

大宰問於子貢曰夫子聖者與何其多能也子貢曰固天縱之將聖又多能也

大宰大夫官名也或吳或宋未可分也疑孔子多能於小藝也言天固縱之大聖之德又使多能也

集解

子曰吾有知乎哉無知也有郈夫來問於我空空如也我叩其兩端而竭焉

皇木夫下有來字

有郈夫來問於我其意空空然我則發事之終始兩端以語之竭盡所知不爲有愛也

集解

子曰鳳鳥不至河不出圖雉不出書吾已矣夫

史記孔子

世家河不出圖下有雉不出書句

有聖人受命則鳳鳥至河出圖今無此瑞吾已矣

夫不得見也河圖八卦是也

集解○史記孔子世家集解無鳳鳥至句

孔注不及雜書者何晏刪之

夫子循循然善誘人博我以文約我以禮欲罷不能既竭吾才如有所立卓爾雖欲從之末由也已

言夫子既以文章開博我又以禮節節約我使我欲罷而不能已竭我才矣其又有何可及又卓然不可及雖蒙夫子之善誘猶不能及夫子之所立也

集解○史記孔子世家集解

子疾病子路使門人爲臣病間曰久矣哉由之行詐也無臣而爲有臣吾誰欺欺天乎

病少差曰間也言子路有是心非唯今日也

集解

選枚叔七發注引首句

且子縱不得大葬

君臣禮葬也

集解

子曰苗而不秀者有矣夫秀而不實者有矣夫

言萬物有生而不育者論人亦然也

集解

子曰法語之言能無從乎改之爲貴

論語北氏訓解

卷五

五姬媛館補校

四十三卷十八

人有過以正道告之口無所不順從之能必自改

乃爲貴也

集解

子曰三軍可奪帥也匹夫不可奪志也

三軍雖衆人心非一則其將帥可奪之而取匹夫

雖微苟守其志不可得而奪也

集解

子曰衣弊緇袍與衣狐貉者立而不恥者其由也與

說文引論語敝作弊汗

簡引古論語弊作貉

緇泉著也

集解曰後漢書崔寔傳注

仁者不憂

不憂患也

集解